



**EXCMO.
CONCELLO DE RIBADEO**

Tel. 982 128 650 - 982 128 662 - 982 130 958 - 982 120 701 • Fax: 982 130 975

e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO

C.I.F.: P-2705100-B

TEXTO PARA APROBACIÓN INICIAL DE ORDENANZA MUNICIPAL DE PROTECCIÓN CONTRA A CONTAMINACIÓN ACÚSTICA.

XULLO 2006



EXCMO. CONCELLO DE RIBADEO

☎ 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • e-mail: concello@ribadeo.org • Praza de España, 1 • 27700 RIBADEO
C.I.F. P-2705100-B

Ordenanza municipal de protección contra a contaminación acústica.

Xullo de 2006

Exposición de motivos.-A promulgación da Lei 7/1997, efectouse baixo as premisas de conseguir a harmonización do dereito dos cidadáns a organiza-las súas actividades económicas, productivas e recreativas co desfrute da intimidade e o descanso nun ambiente adecuado para o desenvolvemento da personalidade.

O desenvolvemento efectuouse polo Decreto 150/1999 do 27 de maio de regulamento de protección contra a contaminación acústica, en función da previsión contida no artigo 3.2º b da Lei 7/1997, co obxecto de garantir a aplicación homoxénea desta lei en todo o territorio da Comunidade Autónoma de Galicia.

De conformidade co disposto na Lei 7/1997, artigo 3.2º e, a potestade de dictar regulamentos de desenvolvemento de aplicación naqueles concellos da Comunidade Autónoma de Galicia que non teñan aprobadas ordenanzas sobre o ruído e vibracións.

O art.6 da Lei 37/2003 de 17 de novembro, do ruído (BOE 276 de 18 de novembro de 2003) que supón a transposición dunha Directiva, a 2002/49/CE do Parlamento Europeo e do Consello de 25 de xuño de 2002, sinala, pola súa parte que corresponde ós Concellos a aprobación de ordenanzas en relación coas materias desa Lei e que os Concellos deberán adaptar as ordenanzas existentes e o planeamento urbanístico ás disposicións da Lei e das súas normas de desenvolvemento.

Asimesmo tense publicado o Real Decreto 1513/2005, de 16 de decembro que desenvolve a Lei 37/2003, de 17 de novembro do ruído no referente á avaliación e a xestión ambiental, e sen prexuízo doutras normas complementarias do mesmo ou que desenvolvan a previsión legal noutros ámbitos.

Visto que corresponde ó concellos exercer-lo control do cumprimento da dita Lei 7/1997, esixi-la adopción das medidas necesarias, sinalar limitacións, realizar cantas inspeccións se requiran e aplica-las sancións correspondentes en caso de incumprimento e que polo decreto 320/2002 de 7 de novembro aprobouse o regulamento polo que se establecen as ordenanzas tipo sobre protección contra a contaminación acústica con criterios que determinan unha táboa de valores máximos que constitúan un común denominador no que se fundamente a efectividade do dereito a non soportar molestias esaxeradas causadas pola contaminación acústica, no espírito de coaduvale e respectándose a potestade dos concellos de elaborar ordenanzas sobre ruído e vibracións adaptadas ás súas características e nas que se establezan, se é o caso, unha mellor protección.

Capítulo 1

Disposicións xerais

Artigo 1º.-Obxecto.

Este Regulamento aprobase en desenvolvemento da Lei 7/1997, do 11 de agosto, de protección contra a contaminación acústica, de conformidade co disposto no seu artigo 3.2º c, e así regula-las actuacións dos cidadáns e desta Administración local para a

protección do ambiente contra as perturbacións producidas polos ruidos e vibracións, en cumprimento da mesma

Artigo 2º.-Ámbito de aplicación.

Están sometidos ás prescricións deste regulamento tódalas actividades e instalacións industriais, comerciais e de servizos, construcións e obras, edificacións, actividades de ocio, de espectáculos e recreativas, tráfico que xeran ruidos e/ou vibracións susceptibles de producir molestias, así como aquelas outras actividades que impliquen unha perturbación por ruidos da veciñanza e se atopen situados ou se exerzan dentro do Concello de Ribadeo, por persoas privadas, físicas ou xurídicas.

Artigo 3º.-Competencias.

Corresponderalle á Alcaldía ou á Concellería en que delegue e, de se-lo caso, á Xunta de Goberno Local, por delegación da Alcaldía, esixir de oficio ou por solicitude de parte interesada, a adopción das medidas correctoras necesarias, sinala-las limitacións, ordenar cantas inspeccións sexan precisas, establecer instrumentos permanentes de control de son nas actividades suxeitas a esta ordenanza e impoñe-las sancións correspondentes en caso de incumprirse o ordenado, consonte o disposto na lexislación de réxime local e na Lei 7/1997, do 11 de agosto.

Capítulo II

Niveis máximos admisibles de ruído e vibración

Sección primeira

Criterios xerais de prevención

Artigo 4º.-Medidas de prevención.

Nos traballos de execución do planeamento urbano e de autorización e realización de todo tipo de actividades e servizos se contemplará a súa incidencia na xeración de ruidos e vibracións, para que se garanta que os usos e actividades permitidos faciliten o nivel máis axeitado posible de calidade de vida, reducindo a niveis aceptables a contaminación acústica, nos termos e condicións previstos na Lei 7/1997, do 11 de agosto, e no Decreto 150/1999, do 7 de maio, que a desenvolve, e das prescricións contidas nesta Ordenanza

Entre outros aspectos deberá prestarse especial atención a:

- Organización do tráfico en xeral.
- Transportes colectivos urbanos.
- Recollida de residuos sólidos.
- Localización de centros docentes, sanitarios e lugares de residencia colectiva.
- Planificación de actividades ó aire libre que poidan xerar ambientes ruidosos en zonas estremeiras.

- Planificación e proxecto de vías de circulación cos seus elementos de illamento e amortecemento acústico.
- Todas aquelas medidas preventivas e/ou correctoras que fosen necesarias.

Sección segunda

Niveis de ruído e vibración admisibles

Artigo 5°.-Zonas de sensibilidade acústica.

1. Son zonas de sensibilidade acústica para os efectos da aplicación da presente ordenanza, as sinaladas no anexo 1 e que se clasifican en función daquela parte do territorio que presenta un mesmo rango de percepción acústica.
2. O plan xeral de ordenación municipal de Ribadeo delimitará as zonas de sensibilidade acústica, e mentras non se efectúe tal regulación, as zonas virán delimitadas polo uso predominante existente en cada unha delas.

Artigo 6°.-Niveis de ruído e vibración admisibles.

Ningunha fonte sonora poderá emitir nin transmitir niveis de ruído ou vibración tal que produzan valores de recepción superiores ós fixados nas táboas 1, 2 e 3, relacionadas no anexo II, de acordo coa Lei 7/1997, do 11 de agosto, de protección contra a contaminación acústica.

Capítulo III

Condicions específicas de prevención

Sección primeira

Regulamentación do ruído das actividades relacionadas cos usos industriais, terciario e equipamento

Artigo 7°.-Tipos de actividades.

1. Tódalas actividades industriais, comerciais e de servizos susceptibles de producir ruidos e vibracións quedan sometidas ó disposto nesta sección.
2. En todo caso, a transmisión de ruidos e vibracións orixinados como consecuencia daquelas actividades deberá axustarse ós límites establecidos na presente ordenanza e no título II do anexo da Lei 7/1997, de protección contra a contaminación acústica. Os titulares destas actividades estarán obrigados a adoptar as medidas de insonorización das fontes sonoras e de illamento acústico dos locais para cumprir en cada caso as prescricións establecidas, sendo de aplicación a presente Ordenanza, nos termos da mesma tanto ós novos establecementos como a todos aqueles existentes na actualidade, unha vez transcorridos os prazos establecidos tanto na Ordenanza Municipal de Medio Ambiente vixente ata a actualidade como os derivados da aplicación da normativa estatal e autonómica.

Artigo 8°.-Proxectos de obras ou instalacións.

1. De acordo co previsto no artigo 4.3º da Lei 7/1997, do 11 de agosto, as actividades que produzan unha perturbación por ruído ou vibracións deberán someterse ó **procedemento de avaliación de incidencia ambiental**.

2. Para o disposto no punto anterior, en tódolos proxectos de obras ou instalacións industriais, comerciais e de servizos que poidan provocar ruidos ou vibracións incluírase un estudo acústico xustificativo do cumprimento das medidas establecidas na Lei 7/1997 de protección contra a contaminación acústica, e demais normas técnicas, que abranguerá as determinacións recollidas nos parágrafos 2, 4, 5 e 6 do artigo 11 do Decreto 150/1999, do 7 de maio, polo que se aproba o Regulamento de protección contra a contaminación acústica, así como o seu orzamento e planos coas indicacións do parágrafo 3 do devandito artigo. Tódalas obras, instalacións ou actividades que, de conformidade co disposto na normativa estatal básica sobre a materia e na Lei 1/1995, do 2 de xaneiro, de protección ambiental de Galicia, estean sometidas a un procedemento de avaliación de impacto ambiental ou de avaliación de efectos ambientais deberán conter un estudo acreditativo do seu impacto acústico de acordo coas esixencias definidas no capítulo III do Regulamento de protección contra a contaminación acústica, aprobado polo Decreto 150/1999, do 7 de maio. Na declaración que se dicte, que terá carácter vinculante, deberánse impoñer-las medidas correctoras precisas.

3. Os estudos de proxectos de actividades clasificadas e/ou suxeitas ó regulamento de espectáculos e actividades recreativas, conterán as medidas específicas adicionais prescritas na sección II deste capítulo.

4. Non serán esixibles as medidas específicas adicionais da sección II deste capítulo ós proxectos daqueles establecementos cun horario de funcionamento que sexa exclusivamente o comprendido entre as 8 e as 22 horas e cuns aparellos musicais que sexan unicamente radio, televisión e fío musical cun nivel de emisión interno (NEI) máximo de 75 dB (A). En calquera caso, nestes supostos os establecementos disporán dun illamento mínimo ó ruído aéreo de 50 dB (A).

Artigo 9º.-Licencia de apertura.

Non se outorgará licenza de apertura das instalacións, das actividades ou dos establecementos sometidos a esta disposición se os proxectos presentados polos interesados non se axustan ó disposto neste regulamento e demais normas de aplicación. Así mesmo, non se poderá iniciar a actividade ou poñer en funcionamento as instalacións mentres non estea comprobado que cumpren a normativa sobre contaminación acústica polos órganos inspectores ou mediante certificación expedida por empresas ou entidades homologadas.

O contido das autorizacións, licencias ou outras figuras de intervención relativas á licenza municipal de actividades clasificadas, regulada no Decreto 2414/1961, de 30 de novembro polo que se aproba o Regulamento de Actividades Molestas, Insalubres, Nocivas e Perigosas así como no resto de autorizacións, licencias e permisos que habiliten para o exercicio de actividades ou a instalación e funcionamento de equipos e máquinas susceptibles de producir contaminación acústica poderá revisarse polo Concello de Ribadeo, sen que a revisión entrañe dereito indemnizatorio algún, entre outros supostos a efectos de adaptalas ás reducións dos valores límite acordados, de conformidade cos artigos 12.1 e 18.3 da Lei 37/2003, de 17 de novembro.

Asimesmo sen prexuízo das potestades administrativas de inspección e sanción o Concello de Ribadeo poderá establecer nos termos previstos na correspondente autorización, licenza ou outra figura de intervención que sexa aplicable un sistema de autocontrol das emisións

acústicas, debendo os titulares dos correspondentes emisores acústicos informar acerca de aquel e dos resultados da súa aplicación á Administración competente.

Artigo 10º.-Medidas correctoras e controis.

Nas licencias de apertura e nas declaracións de incidencia ambiental deberán sinalarse as medidas correctoras e os controis que deberán cumprilas actividades e instalacións, indicándose expresamente que o incumprimento destas pode dar lugar á revogación daquelas licencias ou autorizacións.

Asimesmo na licencia de apertura establécese a obrigatoriedade de presentación dun informe homologado con carácter anual antes do 1 de xuño de cada ano do mantemento das condicións de illamento acústico e de funcionamento dos mecanismos de control establecidos no seu caso para a actividade productora de ruído.

Artigo 11.-Inspeccións.

Unha vez iniciada a actividade ou postas en funcionamento as instalacións, realizaranse as inspeccións precisas para comprobar que as actividades ou instalacións cumpren a normativa. Como consecuencia destas, poderán incoarse os correspondentes procedementos sancionadores ou ben acordar medidas correctoras ou de control.

Os titulares das actividades existentes á entrada en vigor desta Ordenanza quedan obrigados á aportar asimesmo unha certificación anual, antes do 1 de xuño de cada ano, emitida por empresa homologada, do mantemento das condicións de illamento acústico e de funcionamento dos mecanismos de control establecidos no seu caso para a actividade productora de ruído. A non presentación nesa data implicará a realización de oficio dunha inspección igualmente con carácter anual por parte dos servizos do Concello e / ou unha empresa homologada contratada polo mesmo, devengándose as taxas correspondentes á realización da actividade.

As comprobacións ás que se refire este parágrafo rexeranse polo disposto na lexislación ambiental de Galicia.

Sección segunda

Actividades de ocio, de espectáculos e recreativas

Artigo 12º.-Ruidos no exterior.

1. Os titulares de establecementos serán responsables de velar, para que os usuarios, ó entrar ou saír do local, non produzan molestias á veciñanza. No caso de que as súas recomendacións non sexan atendidas deberán avisar inmediatamente á policía municipal. Do mesmo xeito actuarán se constatan a consumición de bebidas, expedidas no dito local, fóra do establecemento e dos lugares autorizados. Así mesmo, e sen prexuízo das responsabilidades dos titulares do establecemento, as referidas obrigas serán cumpridas polos dependentes ou encargados que presten servizos no local.

2. Naquelas zonas de Ribadeo onde existan numerosas actividades destinadas ó uso de establecementos abertos ó público sempre que os niveis de recepción no ambiente exterior, producidos pola adición ás múltiples actividades existentes e pola actividade das persoas que utilicen estes establecementos, superen en máis de 3 dB os niveis fixados nesta disposición, o concello establecerá as medidas oportunas, dentro do seu ámbito de competencias, tendentes a diminuí-lo nivel sonoro exterior ata situalo dentro dos límites correctos.

Para estes efectos, o concello, trala solicitude dos informes de inspección ambiental e que constaten, de se-lo caso esta realidade, acordará mediante resolución motivada do Alcalde, a declaración destas zonas urbanas como «zonas saturadas por acumulación de rúidos». Esta resolución, adoptada nun procedemento contradictorio, poderá acordar algunha das medidas cautelares previstas no artigo 43 deste regulamento e do artigo 20 da Lei 7/1997, do 11 de agosto, de protección contra a contaminación acústica, e en concreto, a posible paralización da actividade ou clausura de instalacións, o precinto de equipos así como calquera outra que se considere imprescindible para evita-la persistencia desta situación.

3. As actividades complementarias no exterior, debidamente autorizadas, desenvolvidas polos establecementos de bar, cafetería ou restauración, café bar especial e pub (terrazas na vía pública) non estarán sometidas ás limitacións de illamento acústico ou ós límites máximos de ruído permitidos no exterior. Non obstante, en ningún caso se producirán rúidos que superen, en espazos estremeiros ou superiores, os valores de recepción que figuran no anexo II desta disposición. En todo caso, non poderán situarse ou utilizarse nestes espazos dedicados a estas actividades complementarias equipos de música ou outros reprodutores sonoros, así como aqueloutros elementos susceptibles de xeraren ruído.

4. Os titulares dos establecementos coidarán do mantemento da orde nas terrazas, debendo solicita-la actuación da policía local en caso de alteración ou molestia esaxerada para a veciñanza. Neste sentido, nas declaracións ou licencias de actividade ou de apertura que se expidan para estes establecementos abertos ó público preverase que o quebranto reiterado deste deber pode comporta-la revogación da autorización ou licencia, logo dun expediente contradictorio instruído para o efecto. Cando o local público no que se desenvolvan actividades de ocio e que dispoña de licencia de espazos abertos produza uns niveis de ruído superior ós permitidos, considerarase ó titular responsable das molestias, séndolle de aplicación o réxime sancionador previsto nesta disposición.

Artigo 13°.-Aviso de niveis sonoros.

Tódolos establecementos públicos que dispoñan de equipo musical de elevada potencia, independentemente doutras limitacións establecidas nestas ordenanzas tipo, non poderán superar niveis sonoros máximos de 90 dB (A) en ningún punto ó que teñan acceso os clientes ou usuarios, agás que no acceso do referido espazo se coloque o aviso seguinte: «a exposición prolongada ós niveis sonoros do interior poden producir lesións permanentes no oído». O aviso deberá ser perfectamente visible tanto pola súa dimensión como pola súa iluminación.

Artigo 14°.-Sonógrafo e equipo limitador.

14.1 Sonógrafo.- Para o mellor control dos límites sonoros regulados nestas ordenanzas tipo, se establece a obriga, para tódalas actividades de café-bar especial, pub, café cantante, café concerto, karaoke, discoteca, salas de baile e salas de festa, whiskerías, tablaos flamenco, e



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975

e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO

C.I.F.: P-2705100-B

calquera outro establecemento de hostelería que sexa susceptible pola utilización de música ou aglomeración de persoas no seu interior de producir rúidos entre as 0 e as 8 horas, de instalar aparellos de control permanente de emisión fónica (sonógrafo ou caixa negra), deseñados para causa-la interrupción da emisión cando se superen os límites máximos de emisión. O dispositivo de control deberá te-las seguintes prestacións:

- a) Rexistrar e almacena-lo período de funcionamento ruidoso da actividade, cos datos de data e hora de inicio e data e hora de terminación e os correspondentes niveis de inmisión de rúidos.
- b) Rexistrar e almacena-los períodos de funcionamento, con data e hora de acendido e apagado, das fontes sonoras, co obxecto de poder controla-la súa correcta actuación.
- e) Conserva-la información durante doce meses para permiti-la súa inspección posterior.
- d) Dispor dun sistema que lles permita ós servizos municipais realiza-la inspección dos datos de maneira que se poidan trasladar ós sistemas informáticos do servizo de inspección para a súa análise e avaliación, permitindo a impresión deles. Todas estas operacións non serán destructivas dos datos existentes no dispositivo, nin existirá a posibilidade de manipulación deles mediante o sistema informático.
- e) Contar cun dispositivo para evitar posibles manipulacións da caixa negra, mediante claves electrónicas ou claves de acceso.
- f) Os dispositivos de control terán que estar homologados polo Ministerio de Ciencia e Tecnoloxía.

A inutilización do sonógrafo, a súa desconexión, manipulación ou calquera outra circunstancia ou conducta tendente a impedi-la súa función que sexa comprobada pola Administración dará lugar á suspensión cautelar inmediata da actividade, sen prexuízo da tramitación dun expediente contradictorio.

14.2 Equipo limitador.-

As actividades que disponían de equipos musicais ademáis do sonógrafo deberán incorporar un equipo limitador que manteña a emisión do equipo musical dentro dos niveis fixados pola Ordenanza para o tipo de actividade que corresponde á súa licenza de apertura. O equipo limitador deberá ser autorizado polo Concello ou homologado pola Administración Pública competente.

Calquera innovación tecnolóxica que aumente ou perfeccione os sistemas de control poderá homologarse previa solicitude ó respecto e coas probas técnicas que o Concello teña a ben impoñer.

Artigo 15°.-Certificado final de obra.

Os locais públicos destinados ó espallamento e ocio terán que dispor do tratamento acústico de paredes, teitos e solos co fin de garanti-los illamentos mínimos requiridos. O certificado final de obra, visado, que deberá ser expedido polo Técnico competente que dirixira materialmente a realización das obras recollerá necesariamente que os materiais proxectados foron instalados.

Como mínimo para todas as actividades comprendidas nesta sección será esixible acredita-lo cumprimento das seguintes condicións:

- Solo flotante
- Teito illante suspendido.
- Pechamentos dobres.
- Portas acústicas
- Dobre porta.
- Ausencia de ventás practicables e ocos ó exterior.
- Aire acondicionado.
- Sonógrafo e equipo limitador.
- Placa identificativa.
- Saída de emerxencia.

Artigo 16º.-Dobre porta.

Co fin de evita-la transmisión sonora directamente ó exterior, nos establecementos nos que se instale equipo musical de emisión igual ou superior de 80 dB (A), será obrigatoria a instalación dunha dobre porta, con peche automático e dispositivo antipánico de apertura manual e constituindo un vestíbulo cortaventos que configure un espacio intermedio, de a lo menos 1,70 metros, delimitados coa porta aberta, que actúe como cámara de control para impedir que as dúas portas estean abertas ó mesmo tempo. A dobre porta deberá estar establecida de tal xeito que non sexa posible abri-la segunda coa primeira aberta. Estas portas deberán permanecer constantemente pechadas a partir das 22 horas, agás para a entrada e saída de persoas.

Artigo 17º.-Medidas adicionais específicas do estudio de impacto acústico e deberes específicos dos titulares das actividades.

17. 1 Medidas adicionais específicas do estudio de impacto acústico.

1. Para conceder licencia de apertura dunha actividade, ou autorizar un cambio de titularidade sempre que a mesma teña equipo de música ou que inclúa a previsión de actuacións musicais, o estudio de impacto acústico, deberá describir, necesariamente, con carácter específico, os seguintes aspectos da instalación:

- a) Características dos equipos musicais (potencia acústica e gama de frecuencias).
- b) Localización do equipo emprazamento e número de altosfalantes e indicación das medidas correctoras.



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO
C.I.F.: P-2705100-B

c) Sistemas de illamento acústico con detalle das pantallas illantes, especificación de gamas de frecuencias e absorción acústica.

2. Previamente á apertura, as entidades acreditadas pola Consellería de Medio Ambiente ou os servicios técnicos municipais comprobarán a instalación reproducindo no equipo a inspeccionar un son co mando do potenciómetro de volume ó máximo nivel e, con esas condicións, medirán o ruído na vivenda ou local máis afectado. O nivel máximo medido non poderá exceder os límites fixados nestas ordenanzas tipo.

3. Fixanse as seguintes medidas correctoras referentes a teitos, cerramentos, solos, piares e alto falantes.

1. Teitos:

a) Reparación de calquera defecto de forxado que separe o local en estudio dos estremeiros evitando con iso os camiños de transmisión do sonido.

b) Os falsos teitos non deberán ir unidos. rixidamente ó teito.

c) Evitaranse as múltiples perforacións para a iluminación

d) Evitaranse todo tipo de unións rixidas de instalacións.

e) Utilización do material absorbente na cámara de aire entre ámbolos dous teitos.

f) Nas conduccións de ventilación e aire acondicionado prohibense retornos de aire polos falsos teitos.

g) Os altavoces instalaranse de forma que non exista contacto directo co forrado do local.

h) Instalar debaixo deste teito os conductos da ventilación, climatización e iluminación.

i) No caso de que como consecuencia da aplicación das medidas correctoras previstas no epígrafe h) o local incumpra outras condicións requiridas, o titular a través do estudio de impacto acústico poderá propoñer outras medidas correctoras que deberán ser sometidas á aprobación municipal.

2. Cerramentos laterais e fachadas.

1. Cerramentos de fachadas (exterior na vía pública):

a) Nos locais de café-bar especial e pub, onde os niveis de emisión sexan iguais ou superiores a 80 dB (A), as portas deberán permanecer sempre cerradas, consonte prevé o artigo 16°.

b) Nos locais destinados a café concerto, café cantante e karaoke, con niveis de emisión de 90 dB (A), deben suprimirse as ventás ou darlles un tratamento especial (dobre ou triple cristal).

2. Cerramento de separación de locais adxacentes.

A magnitude do illamento estará en función dos niveis de ruído que exista no local receptor.

3. Pisos.

Co obxecto de evita-la transmisión directa que ocasionan os altavoces de baixos e os impactos de taconeo ou de baile, establécese como aconsellable a execución de pisos flotantes nestes locais. Esta montaxe será obrigatoria para niveis de ruído de 90 dB (y).

4. Piares.



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO
C.I.F.: P-2705100-B

Para niveis de 90 dB (A) e co obxecto de evita-la transmisión de ruído aéreo ou de impacto a través da estrutura é necesario o illamento desta mediante sistemas masa-resorte como paredes de obra de fábrica de ladrillo apoiados sobre sistemas elásticos.

5. Altavoces.

Prohíbese a ancoraxe das instalacións electroacústicas en teitos, piares e paredes.

Os altavoces de son medio e agudo situaranse suspendidos mediante materiais elásticos evitando as pontes acústicas. Os altavoces de baixos deberán colocarse sobre un bloque de inercia sustentada sobre resortes metálicos de baixa frecuencia de resonancia.

Empregaranse preferentemente altavoces de pouca potencia distribuídos homoxeneamente no teito e cm pequeno raio de acción. Está contraindicado o uso de altavoces de grandes niveis de potencia acústica.

Nos locais con niveis iguais a 90 dB (A) leq., deberán separarse as zonas de ruído elevado e pistas de baile das zonas menos ruidosas.

6. Outras condicións.

Deixarase un punto de inspección por cada 50 metros cadrados, no que se poderá observa-lo illamento.

A substitución do equipo musical por outro novo, antes de producirse deberá ser posta en coñecemento da Administración, e para a súa posta en funcionamento deberá aportarse certificación de empresa homologada de que non supón alteración do estudio de impacto acústico da licencia de apertura ou da adopción das medidas complementarias precisas para garantir en todo caso o mantemento ou mellora das condicións de illamento acústico do local.

17.2 Deberes específicos dos titulares das actividades.

Son deberes específicos dos titulares das actividades reguladas nesta Ordenanza e especificamente nesta sección os seguintes:

1 Adoptar durante as horas de funcionamento da actividade, especialmente durante o horario nocturno, as medidas oportunas para evitar que o público efectúe as suas consumicións fora do establecemento ou na vía pública. Quedan exceptuadas desta obriga os establecementos que teñan autorizado o funcionamento de terrazas en vía pública sempre que se acomoden ás prescricións da súa respectiva autorización ou licencia.

2 Exerce-la actividade coa porta e ventás pechadas evitando a propagación de ruidos e sons ó exterior.

3 Impedi-la superación dos límites de aforo establecidos.

4 Cumprir fielmente os horarios de peche dos locais de esparcemento, especialmente en horas nocturnas. Unha vez que se superara o horario de peche establecido pola Autoridade gubernativa correspondente se imponen as seguintes obrigas:

-Non poderá voltar a abrir ó público nas 8 horas seguintes dende a hora de peche.

-Non poderá seguir funcionando ningún instrumento ou aparello musical (radio, televisión, magnetófonos, tocadiscos, altavoces, pianos, etc.) dentro ou fora do local.

-O desesaloxo da clientela deberá producirse na media hora seguinte á do peche.

- Dende o momento do peche ata as 8 horas os niveis de emisión interna non poderá sobrepasar os mínimos co local baleiro de persoas.
- Prohibir e impedir o acceso a menores agás nos supostos en que se autorice especificamente o seu funcionamento para actividades subvenís en franxa horaria de 18 a 22 horas con prohibición absoluta de venda e exhibición de alcohol.
- Impedi-la saída de persoas do local portando botellas, vasos, envases, etc.
- Ter no local o libro de inspección, facilitando ós servicios municipais e non impedindo que no mesmo os inspectores volquen os resultados da inspección.
- Non instalar no local, se non está expresamente autorizado, futbolíns, billares, ou máquinas recreativas que poidan producir ruidos de impacto ou doutra natureza que poidan producir molestias ou ruidos.
- De responsabilidade do mantemento da orde dos seus clientes, tanto no local como nos seus accesos.
- De colabouración cos servicios de inspección e cos axentes da autoridade no cumprimento das súas misións.

Artigo 18º.Efectos acumulativos.

Naqueles casos nos que nun mesmo edificio, na mesma rúa, ou na mesma zona coexistan simultaneamente varias actividades produtoras de ruído, sexa cal fora a súa natureza, se comprobará técnicamente se ilo da lugar a efectos acumulativos. Se como resultado desa comprobación se deducira que o conxunto das fontes sonoras superan os límites establecidos nesta Ordenanza o Concello ordeará que cada unha delas reduza o nivel xeral de emisión de ruidos transmitidos polas súas instalacións ou actividades ata que o seu conxunto se axuste ós límites que fixa a Ordenanza.

En todo caso e coa finalidade de evitar efectos acumulativos, se poderá denega-la licencia de apertura para nova actividade ruidosa se ésta se atopa situada a menos de 50 metros doutra.

Artigo 19.- Libro de Inspección e placa identificativa.

19.1 Libro de Inspección.

Establecese a obriga de que todos os establecementos dispoñan dun "Libro de Inspección" tipo Libro de actas encadernado e foliado que se dilixenciará coa Licencia de apertura. A expedición do libro devengará a correspondente taxa de conformidade co artigo 20.4 do TR do RDL 2/2004, de 5 de marzo de texto refundido da Lei Reguladora de Facendas Locais.

Na primeira páxina do libro se fará constar u número de páxinas ou follas de que consta e os datos da licencia correspondente. Xunto có acto de outorgamento da licencia faráse entrega ó seu titular do citado libro de inspección a quen se lle fará sabe-la obriga de teo permanentemente no local a disposición dos servicios de inspección. Con independencia doutros requerimentos que por incumprimento de normas ou condicións poida efectuar o Concello o seu titular, os Servicios Municipais de Inspección, ou empresa delegada poderán facer constar no citado libro o resultado das respectivas visitas, con indicación da data e hora en que se realizan e outras circunstancias que se consideren de interese, como por exemplo as deficiencias

observadas no funcionamento da actividade, as medidas que se deben adoptar para proceder á súa subsanación, si procederon realmente a adoptalas medidas propostas ou outras circunstancias análogas.

19.2. Placa identificativa.

A todos os establecementos afectados polas actividades reguladas nesta Ordenanza se lles impón a obriga de ter visible na fachada de entrada unha placa identificativa que lle será entregada polo Concello coa autorización de funcionamento, e na que deberán constar os seguintes datos:

- Número de Licencia e data de expedición.
- Categoría ou Grupo ó que corresponde a súa actividade e licencia concedida.
- Aforo permitido en función da superficie do local.

A expedición da placa identificativa devengará a correspondente taxa de conformidade co artigo 20.4 do TR do RDL 2/2004, de 5 de marzo de texto refundido da Lei Reguladora de Facendas Locais.

Sección terceira

Regulamentación do ruído do tráfico

Artigo 20º.-Vehículos de tracción mecánica.

1. Todo vehículo de tracción mecánica terá en boas condicións de funcionamento o motor, a transmisión, carrocería e demais elementos del capaces de producir ruidos, especialmente o dispositivo silenciador dos gases de escape, co fin de que o nivel sonoro emitido polo vehículo co motor en marcha non exceda dos límites previstos no Decreto 1439/1972, do 25 de maio, sobre homologación de automóviles respecto ó ruído.
2. Os límites máximos admisibles para ruidos emitidos polos distintos vehículos de motor na circulación serán os establecidos para as emisións de vehículos terrestres, no decreto citado no parágrafo anterior.
3. Consonte o disposto no artigo 10 do texto articulado da Lei sobre tráfico, circulación de vehículos de motor e seguridade vial aprobado polo Real decreto lexislativo 339/1990, modificado pola Lei 19/2001, do 19 de decembro, non se permitirá a circulación de vehículos con niveis de ruidos superiores ós regulamentariamente establecidos.

Artigo 21º.-Dispositivos acústicos.

Conforme o disposto nos artigos 7 e 110 e seguintes do Real decreto 13/1992, do 17 de xaneiro, polo que se aproba o Regulamento Xeral de Circulación para a aplicación e desenvolvemento do texto articulado da Lei sobre o tráfico, circulación de vehículos de motor e seguridade vial, respectaranse as seguintes limitacións:

1° Os condutores de vehículos de motor, agás os que serven en vehículos da policía gobernativa ou municipal, servicios de extinción de incendios e salvamento e outros vehículos destinados ós servicios de urxencia, non poderán facer uso dos dispositivos acústicos en todo o termo municipal duren te as 24 horas do día, agás cando se trate de evitar un accidente ou se realice un servicio urxente de auxilio, supostos nos que serán utilizados de forma axeitada e proporcionada.

2° Prohíbese a circulación de vehículos de motor con escape libre e con silenciadores ineficaces, incompletos, inadecuados ou deteriorados.

3° De igual xeito prohíbese forzar ou violenta-las marchas dos vehículos producindo ruidos molestos ou innecesarios, aínda que estivesen dentro dos límites máximos admisibles.

4° Así mesmo, prohíbese a circulación de vehículos a motor cando, por exceso de carga, produzan ruidos superiores ós sinalados na lexislación estatal vixente.

Artigo 22°.-Restriccións de circulación.

1. De conformidade co artigo 5.3° da Lei 7/1997, do 11 de agosto, nos casos nos que o ruído do tráfico afecte notoriamente a tranquilidade da poboación, o concello poderá sinalar zonas ou vías nas que algunhas clases de vehículos de motor non poderán circular ou deberán facelo de xeito restrinxido en horario e velocidade.

2. Para efectos do establecido no parágrafo anterior, considéranse as zonas que soportan un nivel de ruído, debido ó tráfico rodado, que alcance valores de nivel continuo equivalente (LpAeq) superior a 55 dB durante o período nocturno (de 22 -h a 8 h) e a 65 dB no período diúrno (de 8 h a 22 h).

Artigo 23°.-Inspección e control. -

1. A policía local poderalles esixir ós condutores de vehículos de motor e ciclomotores, que ó seu xuízo -excedan os límites de emisión permitidos, o sometemento ás probas de control de ruidos consonte o disposto no artigo 10.6°, inciso segundo, da Lei do 19 de decembro de 2001, de modificación do Real decreto lexislativo 339/1990. Así mesmo, e de conformidade co Real decreto lexislativo 339/1990, do 2 de marzo, modificado pola Lei 19/2001, do - 19 de decembro, os axentes da autoridade poderán inmoviliza-lo vehículo nos casos de supera-los niveis de ruidos regulamentariamente permitidos e nos termos previstos no artigo 70.2° de referido Real Decreto.

2. Os vehículos cun nivel sonoro que exceda os límites máximos establecidos no Decreto 1439/1972, do 25 de maio, sobre homologación de automóviles respecto o ruído, serán obxecto da correspondente denuncia.

3. Consonte o disposto no artigo 7 do Decreto 1439/1972, do 25 de maio, sobre homologación de vehículos, os axentes de vixilancia do tráfico formularán denuncias por infracción do disposto neste Regulamento cando, coa axuda de aparellos medidores de ruído comprobren que o nivel de ruidos producidos por un vehículo en circulación supera os límites sinalados no artigo 6 do devandito decreto. Poderá, así mesmo, ser formulada denuncia polos axentes de vixilancia de tráfico sen necesidade de aparellos medidores, cando se trate de vehículos que circulen co chamado «escape libre» ou produzan, por calquera outra causa, un nivel de ruidos que notoriamente superen os límites máximos establecidos.

O titular do vehículo denunciado poderá unir ó prego de descargo, certificación expedida pola Delegación Provincial da Consellería de Industria e Comercio ou empresa homologada, na que



se faga consta-lo nivel de ruído comprobado pola mesma, sempre que presente o vehículo ante aquel organismo no prazo dos dous días hábiles seguintes á entrega ou recepción do boletín de denuncia.

Sección cuarta

Regulamentación do ruído nas edificacións

Artigo 24°.-Concepto de edificación.

Considéranse sometidas para os efectos desta disposición os edificios destinados a calquera dos seguintes usos:

- Residencial privado, no que se entenden incluídos todo tipo de vivendas.
- Residencial público, así hoteis, asilos, e demais establecementos hoteleiros.
- Administrativos e de oficinas.
- Sanitarios, nos que se inclúen hospitais, clínicas e outros centros sanitarios.
- Docentes, tales como escolas e universidades.

Artigo 25°.-Condicións acústicas.

1. Os diversos elementos constructivos dos edificios definidos con anterioridade, deben cumprilas condicións acústicas determinadas no capítulo III da norma básica de edificación (NBE-CA-88, Orde do 29 de setembro de 1988, BOE n° 242, do 8 de outubro).
2. De coexistir nun mesmo edificio varios usos dos definidos no artigo anterior, aplicaranse as condicións acústicas da NBE a cada local por separado, e nos elementos constructivos de común unión entre varios locais, aplicaranse as imposicións máis esixentes dos locais afectados.
3. Exceptúanse do punto anterior os forxados constitutivos da primeira planta da edificación cando a dita planta sexa de uso residencial e na planta baixa se poidan localizar, conforme o planeamento, usos susceptibles de producir molestias por rúidos ou vibracións. Nestes casos, o illamento acústico bruto ó ruído aéreo esixible será de, polo menos, 55dB(A)

Artigo 26°.-Maquinaria e instalacións.

1. Os aparellos elevadores, as instalacións de ventilación e acondicionamento do aire e as súas torres de refrixeración, a distribución e evacuación de augas, a transformación da enerxía eléctrica e demais servizos dos edificios e instalacións de propiedade privada, serán instalados coas precaucións de localización e illamento que lles garanten un nivel de transmisión sonora ós locais e ambientes próximos que cumpiran co disposto no título II do anexo da Lei 7/1997, de protección contra a contaminación acústica.
2. Co fin de evitar no posible a transmisión de ruído a través da estrutura da edificación, deberán terse en conta as seguintes normas:
 - a) Todo elemento con órganos móbiles manterase en perfecto estado de conservación, principalmente o que se refire á suavidade dos seus rodamentos.

- b) Non se permitirá a ancoraxe directa de máquinas ou soporte delas nas paredes medianeiras, teitos ou forxados de separación de recintos, senón que se realizará interpoñendo os adecuados dispositivos antivibratorios.
- c) As máquinas de arrinque violento, as que traballen por golpes ou choques bruscos e as dotadas de órganos con movemento alternativo deberán estar ancoradas en bancadas independentes, sobre o chan e illadas da estrutura da edificación por medio dos adecuados dispositivos antivibratorios.
- d) Os conductos polos que circulen fluídos líquidos ou gaseosos de forma forzada, conectados directamente con máquinas que teñan órganos en movemento, disporán de dispositivos de separación que impidan a transmisión das vibracións xeradas en tales máquinas. As bridas e os soportes dos conductos terán elementos antivibratorios. As aberturas dos muros para o paso das conduccións dotaranse de materiais antivibratorios.
- e) Nos circuitos de auga evitarase a produción de golpes de elevadores hidráulicos, e as seccións e disposición das válvulas e billas deberán ser tal que o fluído circule por elas en réxime laminar para os gastos nominais.

Artigo 27º.-Certificado de illamento acústico.

1. A partir da presentación do correspondente certificado visado de fin de obra, o concello procederá a comproba-lo cumprimento das prescricións establecidas neste capítulo, comprobación que poderá omitirse se a achegan os promotores, xunto coa anterior certificación, certificado de illamento acústico expedido por empresas ou entidades homologadas pola Consellería de Medio Ambiente.
2. Non se concederá a licencia de primeira ocupación sen o informe favorable sobre o cumprimento dos requisitos acústicos esixidos.
3. O procedemento regulador de homologación das empresas ou entidades para efectuar mediacións en contaminación acústica e vibracións será o establecido no capítulo II do Decreto 150/1999, do 7 de maio, polo que se aproba o Regulamento de protección contra a contaminación acústica.

Sección quinta

Regulamentación do ruído para actividades varias

Artigo 28º.-Actividades varias.

1. A produción de ruidos e vibracións na vía pública, nás zonas de pública concorrencia ou no interior dos edificios, non poderá superar, tanto de día como de noite, os límites establecidos nesta norma para garantir unha correcta convivencia cidadá.
2. Os donos de animais domésticos deben de evitar calquera tipo de ruído provocado polos animais entre as 10 de noite e as 8 da mañá para velar pola tranquilidade dos veciños. No resto das horas que compoñen o día, non se permitirá que o nivel de ruidos producidos polos animais, exceda os límites da boa convivencia e en ningún caso os valores establecidos nesta disposición. O dono será responsable do ruído producido polos seus animais.



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975

e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO

C.I.F.: P-2705100-B

3. Os propietarios ou usuarios de aparellos produtores de son e instrumentos musicais ou acústicos, que fagan uso deles, xa sexa no propio domicilio ou en zonas públicas, non deberá exceder os límites de ruído establecidos. Soamente nos casos excepcionais se poderá exceder destes límites se o concello concede a autorización oportuna.

4. Comportamento nocturno. Entre as 10 da noite e as 8 da mañá queda prohibido:

a) Cantar, usar instrumentos musicais ou semellantes, berrar ou vociferar.

b) Realizar reparación domésticas ou traballos que produzan molestias, agás autorización expresa.

e) Realizar traballos de bricolaxe cando os ruídos ou vibracións superen os niveis permitidos.

d) Utilizar aparatos domésticos se emiten un nivel de ruído superior ó permitido nesta disposición.

5. Calquera outra actividade ou comportamento singular ou colectivo, non comprendido nos puntos precedentes deste capítulo, que comporte unha perturbación por ruídos para a veciñanza, evitable coa observancia dunha conducta cívica normal, será sancionado conforme o establecido neste regulamento.

Artigo 29º.-Traballos na vía pública e na edificación.

1. Nos traballos realizados tanto na vía pública como na edificación non se autorizará o emprego de maquinaria que teña un nivel de emisión externo (NEE) superior a 90 dB (A). medidos na forma que se fixa regulamentariamente. -

2. Os traballos realizados tanto na vía pública como na edificación non poderán realizarse entre as 22 horas e as 8 horas do día seguinte se producen niveis sonoros superiores ó establecido con carácter xeral neste decreto.

3. Exceptúanse da prohibición anterior as obras urxentes, as que se realicen por razóns de necesidade de perigo e aquelas que polos seus inconvenientes non poidan levarse a cabo durante o día. O traballo nocturno debера ser expresamente autorizado polo concello, que determinará os límites sonoros que deberá cumprir en función das circunstancias que concorran en cada caso, sen prexuízo do establecido na lexislación laboral.

Artigo 30º.-Carga e descarga.

1. Prohibense as actividades de carga e descarga de mercancías, manipulación de caixas, contedores, materiais de construción e obxectos similares na vía pública, entre as 22 horas e as 8 horas do día seguinte, cando estas operacións superen os límites sonoros establecidos no presente regulamento.

É preceptiva a autorización municipal expresa para aquelas actividades que xustifiquen técnicamente a imposibilidade de respectar os límites establecidos.

2. No horario restante da xornada laboral, estas actividades deberán realizarse co máximo coidado a fin de minimizar as molestias e reducilas ás estrictamente necesarias.

Artigo 31º.-Limpeza e recollida de lixo.

O servizo público nocturno de limpeza e recollida de lixo adoptará as medidas e as precaucións necesarias para reducir ó mínimo o nivel de perturbación da tranquilidade cidadá.



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO
C.I.F.: P-2705100-B

Artigo 32º.-Dispositivos sonoros.

1. Con carácter xeral non se permitirá o emprego de ningún dispositivo sonoro con fins de propaganda, reclamo, aviso ou espallamento, agás polos partidos políticos en campañas electorais ou de referéndum, previa solicitude ó Concello.

Esta prohibición non rexerá nos casos de alarma, urxencia ou especial significación cidadá determinada polo concello.

2. Para os efectos desta disposición enténdese como sistemas de alarma todo dispositivo sonoro que teña por finalidade indicar unha manipulación sen autorización dunha instalación, ben ou local.

3. Co fin de evitar ou minimiza-las molestias ocasionadas polos sistemas de alarma, deberán terse en conta as normas establecidas nos seguintes puntos:

a) Os propietarios das alarmas deberán poñer en coñecemento da policía municipal os seus datos persoais para que, unha vez avisados do seu funcionamento. anómalo, procedan de inmediato a súa interrupción.

O descoñecemento do titular ou persoa responsable por parte da policía municipal será entendido como autorización tácita a favor desta para o uso dos medios necesarios para interromper o sistema de aviso.

A anterior medida enténdese sen prexuízo da imposición da correspondente sanción; cando as molestias deriven de actos imputables á actuación do propietario ou industrial subministrador, como consecuencia dunha deficiente instalación do aparello ou dunha falta das operacións necesarias para mantelo en bo estado de conservación.

b) Prohibese a activación voluntaria dos sistemas de alarma, agás nos casos de proba e ensaio que se-indican:

* Iniciais: serán os casos que se realicen inmediatamente despois das instalacións para cómproba-lo seu funcionamento. Poderán efectuarse entre as 10 e as 18 horas da xornada laboral.

- * Rutineiras: serán as de comprobación periódica do correcto funcionamento dos sistemas de alarma. Só poderán realizarse unha vez ó ano e nun intervalo máximo de 5 minutos, dentro dos horarios anterior mente indicados da xornada laboral. A policía municipal deberá cofecer previamente, o plan destas comprobacións coa expresión do día e hora na que se van realizar.

Capítulo IV

Inspección e réxime sancionador

Sección primeira

Disposicións xerais

Artigo 33. Normativa aplicable.

Para o non previsto nesta disposición, será de aplicación:

-A Lei 37/2003, de 17 de novembro, do ruído e normativa complementaria que a desenvolva.

-A Lei 7/1997, do 11 de agosto, de protección contra a contaminación acústica desenvolvida a través do Regulamento de protección contra a contaminación acústica, aprobado polo Decreto 150/1999, do 7 de-maio.



EXCMO. CONCELLO DE RIBADEO

Tel: 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO
C.I.F.: P-2705100-B

- A Lei 1/1995, do 2 de xaneiro, de protección ambiental de Galicia.
- O Decreto 156/1995, do 3 de xuño, de inspección ambiental.
- O capítulo II do título IX da Lei 30/1992, do 26 de novembro, do réxime xurídico das administracións públicas e do procedemento administrativo común.
- O Real decreto 1398/1993, do 4 de agosto, polo que se aproba o Regulamento do procedemento para o exercicio da potestade sancionadora.
- Real decreto lexislativo 339/1990, do 2 de marzo, polo que se aproba o texto articulado da Lei sobre tráfico, circulación de vehículos de motor e seguridade vial.
- Lei 19/2001, do 19-de decembro, de reforma do texto articulado da Lei sobre tráfico, circulación de vehículos de motor e seguridade vial.
- Decreto 2414/1961, do 30 de novembro; polo que se aprobá o Regulamento de actividades molestas, insalubres, nocivas perigosas.
- Lei 7/1985, do 2 de abril; de bases de réxime local.

Sección segunda

Inspección e vixilancia

Artigo 34º.- Competencia.

1. Correspóndelle ó Concello exercer-lo control do cumprimento do previsto na presente disposición, conforme o disposto no capítulo II do título III da Lei 7/1997, do 11 de agosto, de protección contra a contaminación acústica, no referente ás denuncias e ás actuacións de inspección e vixilancia.
2. Cando o concello se considere imposibilitado para o exercicio da competencia de inspección poderá solicita-lo auxilio en tal función á Administración autonómica, ou ás empresas habilitadas ó respecto pola Xunta de Galicia, de acordo co estipulado no artigo 25 da Lei 7/1997, do 11 de agosto, de protección contra a contaminación acústica.

Artigo 35º.- Actividade de inspección.

1. O persoal do concello, debidamente identificado, e no seu caso as empresas homologadas coas que mantéña vencello contractual, poderán levar a cabo visita de inspección ás actividades que se veñan desenvolvendo e ás instalacións en funcionamento para os efectos de comprobalo cumprimento das determinacións da presente Ordenanza. De se-lo caso xirarase a liquidación da taxa correspondente pola expedición do documento relativo á inspección efectuada, conforme á Ordenanza reguladora, segundo o disposto no apartado 4º do artigo 20 do vixente R.D.L. 2/2004, de 5 de marzo polo que se aproba o texto refundido da Lei reguladora de Facendas Locais.

Cando para a realización de inspeccións sexa necesario entrar nun domicilio será preceptiva a correspondente autorización xudicial. Nos demais supostos, o persoal, debidamente identificado, estará facultado para acceder ás instalacións ou, establecementos, se é o caso, sen previo aviso.



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO
C.I.F.: P-2705100-B

Os propietarios dos establecementos e actividades produtoras de ruidos e vibracións deberá permiti-la inspección e facilitala.

2. As visitas de inspección poderán levarse a cabo por propia iniciativa municipal ou logo de solicitude de calquera interesado dirixida á autoridade administrativa competente. As solicitudes conterán, ademais dos datos esixibles ás instancias na lexislación que regula o procedemento administrativo, os datos precisos para a realización da visita de inspección.

Nos casos de recoñecida urxencia, cando os ruidos resulten altamente perturbadores ou cando sobreveñan ocasionalmente por uso abusivo, deterioración ou deficiente funcionamento das instalacións, aparellos ou equipos, a solicitude de visita de inspección poderá formularse directamente ante os servizos de inspección tanto de palabra como por escrito.

3. As visitas de inspección realizaranse tendo en conta as características do ruído e das vibracións. Para ese fin as medicións relativas ó ruído obxectivo realizaranse previa citación do responsable do foco ruidoso e as medicións relativas ó ruído subxectivo practícaranse sen coñecemento do titular, sen prexuízo de que neste último caso poida ofrecerse ó responsable do foco ruidoso unha nova medición na súa presenza para o seu coñecemento.

4. Unha vez concluídas as medicións entregarase ós interesados unha copia do resultado delas. As actas emitidas polos órganos competentes gozan de presunción de veracidade en canto ós feitos contidos nelas e constitúen proba dabondo para os efectos do correspondente procedemento sancionador, non sendo que se achege polos interesados algunha proba en contrario. Tal presunción esténdese ás medicións realizadas con instrumentos que reúnen os requisitos regulamentarios establecidos no punto 6 do Regulamento de protección contra a contaminación acústica.

De todas as inspeccións a instancia de parte, ordinarias ou urxentes, se derivará a liquidación da taxa correspondente que deberá aboar o solicitante da actividade de inspección, conforme á Ordenanza fiscal reguladora.

Sección terceira

Réxime sancionador

Artigo 36º.-Infraccións.

Consideraranse infraccións administrativas as accións ou omisións que contraveñan as disposicións deste regulamento. As infraccións clasifícanse en leves, graves ou moi graves, de conformidade co tipificado nos artigos seguintes, de acordo co establecido no capítulo III, título III da Lei 7/1997, do 11 de agosto, de protección contra a contaminación acústica, así como na Lei 37/2003, de 17 de novembro de ruído.

A imposición das sancións efectuarase atendendo a:

1. As circunstancias do responsable.
2. A importancia do dano ou deterioro causado.
3. O grao do dano ou molestia causado ás persoas, bens ou Medio Ambiente.
4. A intencionalidade ou negligencia.
5. A reincidencia e participación.

Artigo 37º.-Faltas leves.



Constitúe falta leve:

- a) A superación dos límites admitidos ata 5 dB (A).
- b) A transmisión de niveis de vibración correspondente á curva base inmediatamente superior á máxima admitida para cada situación (anexo Lei 7/1997, do 11 de agosto).
- c) Calquera outra infracción ás normas da Lei 7/1997, do 11 de agosto, non cualificada expresamente como falta grave ou moi grave, conforme o disposto no seu artigo 13°.
- d) A circulación de vehículos de motor co escape libre e con silenciadores ineficaces, incompletos, inadecuados ou deteriorados.
- e) A non presentación dos vehículos ás inspeccións.
- f) A contravención das obrigas previstas nos parágrafos 2, 3, 4 e 5 do artigo 26° deste regulamento.

Artigo 38°.-Faltas graves.

Constitúe falta grave:

- a) A superación en máis de 5 dB (A) dos valores límite admitidos.
- b) A transmisión de niveis de vibración correspondentes a dúas curvas base inmediatamente superiores á máxima admitida para cada situación (anexo Lei 7/1997, do 11 de agosto).
- c) A vulneración expresa dos requirimentos municipais para a corrección das deficiencias observadas.
- d) A negativa ou obstrución ó labor inspector. Considérase, en todo caso, como resistencia á actuación inspectora impedirles ós funcionarios competentes, ou personal debidamente autorizado polo Concello pertencente a unha empresa homologada, a entrada ós recintos e locais onde deban realizarse as inspeccións, sempre e cando a Administración actuante observase os requisitos formais establecidos neste regulamento.
- e) A reincidencia en faltas leves no prazo de doce meses.
- f) A iniciación de actividades ou a apertura de establecementos e instalacións susceptibles de producir ruidos ou vibracións sen obte-la previa autorización ou licencia.
- g) A transgresión ou incumprimento das condicións correctoras sinaladas polo órgano competente. Neste último suposto, os suxeitos responsables poderán evita-la imposición de sanción se proceden voluntariamente á paralización ou non iniciación da actividade.

Artigo 39°.-Faltas moi graves.

Constitúen faltas moi graves:

- a) A superación en máis de 15 dB (A) dos valores límite admitidos.
- b) A transmisión de niveis de vibración correspondente a máis de dúas curvas base inmediatamente superiores á máxima admitida para cada situación (anexo Lei 7/1997, do 11 de agosto).
- e) A reincidencia en faltas graves no prazo de 12 meses.
- d) O incumprimento das ordes de clausura dos establecementos ou de paralización da actividade acordadas pola autoridade competente.

Artigo 40°.-Sancións.



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO
C.I.E.: P-2705100-6

As infraccións ós preceptos deste regulamento sancionaranse de acordo co establecido na Lei 7/1997, do 11 de agosto de protección contra a contaminación acústica.

a) Infraccións leves:

-Con multa desde 60,10 ata 600,00 euros.

-Suspensión da vixencia da autorización ou licenza municipal na que se estableceran condicións relativas á contaminación acústica por un período de tempo inferior a un mes.

b) Infraccións graves:

-Con multa dende 601,00 euros ata 12.000,00 euros.

-Suspensión da vixencia da autorización ambiental integrada, da autorización ou aprobación do proxecto sometido a avaliación de impacto ambiental, a licenza de actividades clasificadas ou outras figuras de intervención administrativa nas que se houberan establecido condicións relativas á contaminación acústica por un período de tempo comprendido entre un mes e un día e un ano.

-Clausura temporal, total ou parcial, do establecemento ou instalacións por un período máximo de dous anos.

c) Infraccións moi graves: De conformidade co artigo 29.1 a) da Lei 37/2003:

-Con multa dende 12.001,00 ata 300.000,00 euros.

- Revogación da autorización ambiental integrada, da autorización ou aprobación do proxecto sometido á avaliación de impacto ambiental, da licenza de actividades clasificadas ou outras figuras de intervención administrativa nas que se houberan establecido condicións relativas á contaminación acústica, ou a suspensión da vixencia por un período de tempo comprendido entre un ano e un día e cinco anos.
- Clausura definitiva, total ou parcial das instalacións.
- Clausura temporal, total ou parcial, das instalacións por un período non inferior a dous anos nin superior a cinco.
- Publicación a través dos medios de comunicación das sancions impostas, unha vez que as mesmas adquiriran firmeza en vía administrativa ou no seu caso xurisdiccional así como os nomes, apelidos ou denominación ou razón social das persoas físicas ou xurídicas responsables e a índole ou natureza das infraccións.
- O precintado temporal ou definitivo de equipos e máquinas.
- A prohibición temporal ou definitiva do desenvolvemento de actividades.

Artigo 41°.-Atenuantes.

Sempre que a comisión da infracción se produza por primeira vez e a corrección da emisión de ruído que orixinou a sanción se fixese nun prazo de 48 horas, reducíndoa ó nivel autorizado, a sanción imporase no seu grao mínimo. En todo caso, o prazo computarase a partir da comprobación da comisión da infracción.

Artigo 42°.-Clausura.



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO
C.I.F.: P-2705100-8

A sanción de clausura temporal ou definitiva poderá impoñerse naquelas infraccións nas que se aprecie reiterada resistencia ó cumprimento do ordenado pola alcaldía ou manifesta actitude do titular da instalación no sentido de dificultar, falsear ou desvirtua-lo resultado da inspección.

A clausura temporal do local establecerase en todo caso por incorrer en 3 infraccións graves no período de seis meses ou inferior.

Artigo 43°.-Medidas complementarias.

Na resolución que poña fin ó procedemento sancionador poderá acordarse, á parte da imposición da sanción correspondente, a adopción de medidas correctoras, así como a indemnización dos danos e perdas ocasionados como consecuencia da actividade infractora. Para a execución dos ditos actos, se o infractor non os cumprise voluntariamente no prazo que se lle sinala, poderán impoñérselle multas coercitivas sucesivas de ata 3.005,06 euros cada unha. Igualmente poderá ordenarse a execución subsidiaria nos termos previstos no artigo 98 da Lei 30/1992, do 26 de novembro, de réxime xurídico das administracións públicas e de procedemento administrativo común.

Artigo 44°.-Prescripción.

As infraccións ás que se refire este regulamento prescribirán nos seguintes prazos, desde a comisión do feito:

- a) Seis meses, no caso de infraccións leves.
- b) Dous anos, no caso de infraccións graves.
- c) Catro anos, no caso de infraccións moi graves.

Artigo 45°.-Medidas cautelares.

Coa independencia das demais medidas que se adopten para garanti-la eficacia da resolución que no seu momento se dicte, con carácter cautelar o concello poderá acorda-la inmediata adopción de medidas correctoras imprescindibles para evita-los danos ou molestias graves que se estean ocasionando como consecuencia das actividades presuntamente infractoras. Igualmente, e co mesmo carácter cautelar, poderá acordarse a paralización da actividade ou a clausura das instalacións ou dos establecementos cando a produción de ruidos ou vibracións supere os niveis establecidos para a súa tipificación como falta moi grave, ou ben cando, acordada a adopción de medidas correctoras, o requirimento municipal resultase incumplido no prazo que para os efectos se sinala na correspondente resolución. Tamén poderá acordarse o precinto de equipos, así como calquera outra medida que se considere imprescindible para evita-la persistencia na actuación infractora. Estas medidas adoptaranse despois de audiencia do interesado, por un prazo de cinco días, excepto naqueles casos que esixan unha actuación inmediata. En ningún caso se derivará dereito a indemnización algunha pola adopción das medidas cautelares polo Concello.

Polo tanto, unha vez iniciado o procedemento sancionador o organo municipal competente para a imposición da sanción poderá adoptar algunha ou algunhas das seguintes medidas provisionais:

- a) Precintado de aparatos, equipos ou vehículos.
- b) Clausura temporal, parcial ou total das instalacións ou do establecemento.



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975

e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO

C.I.F.: P-2705100-B

c) Suspensión temporal da autorización ambiental integrada, a autorización ou aprobación do proxecto sometido á avaliación de impacto ambiental, a licenzia de actividades clasificadas ou outras figuras de intervención administrativa nas que se houberan establecido condicións relativas á contaminación acústica.

d) Medidas de corrección, seguridade ou control que impidan a continuidade na produción do risco ou do dano.

Capítulo V

Acción municipal

Artigo 46º. -Acción municipal.

A acción municipal en materia de contaminación acústica concretarase nun programa xeral de actuacións baseado nos seguintes principios e criterios:

1. Prevención, corrección e mellora das instalacións e establecementos existentes.
2. Información tanto para a implantación de novas instalacións como para garantir a adecuación das existentes.
3. Concienciación da propia cidadanía da necesidade da coexistencia entre o ocio e o desenvolvemento das actividades terciarias co descanso e a calidade de vida dos restantes cidadáns.
4. Impulsión de hábitos de conducta compatibles cun maior benestar.

Disposicións transitorias

1ª.-Os titulares das actividades, instalacións ou prestacións de servicios autorizados con anterioridade á aprobación deste decreto e que non se axusten ós contidos desta disposición dispoñen do período de seis meses, a partir da publicación desta norma para adaptarse ás medidas previstas néla.

2ª.- No que atinxe ó cumprimento da totalidade das condicións a que se refire o artigo 15 desta Ordenanza serán unicamente esixibles no antecitado prazo de seis meses o sonógrafo, o limitador de sonido, a dobre porta e a placa identificativa. Os restantes elementos se referirán unicamente ós establecementos de nova apertura ou que non teñan licenzia definitiva á entrada en vigor desta Ordenanza. O aire acondicionado será esixible á totalidade dos establecementos existentes o 1 de xaneiro de 2008.

ANEXO I

1. Zonas de sensibilidade e tipos de recintos:

a) Zona de alta sensibilidade acústica: comprende tódolos sectores do territorio que admiten unha protección alta contra o ruído, como áreas sanitarias, docentes, culturais ou espacios protexidos.



- b) Zona de moderada sensibilidade acústica: comprende tódolos sectores do territorio que admiten unha percepción do nivel sonoro medio, como vivendas, hoteis ou zonas de especial protección como os centros históricos.
- c) Zona de baixa sensibilidade acústica: comprende tódolos sectores do territorio que admiten unha percepción do nivel sonoro elevado, como restaurantes, bares, locais ou centros comerciais.
- d) Zona de servidume: comprende os sectores do territorio afectados por servidumes sonoras a favor de sistemas xerais de infraestruturas viarias, ferroviarias ou outros equipos públicos que a reclamen.
- e) Zonas específicas xustificadas polo usos do solo ou a concorrencia doutras causas.

As zonas referidas con anterioridade, agás a zona de servidume, teñen adscritos cinco tipos de recintos, que se clasifican segundo os usos en:

- Tipo 1: dormitorios de edificios sanitarios, clínicas ou centros de descanso, auditorios, teatros de ópera.
- Tipo II: dormitorios en vivendas, consultorios médicos, dormitorios de hoteis, teatros.
- Tipo III: salas de estar, aulas de ensino, centros de culto, bibliotecas, oficinas de dirección, cines, salas de exposicións, museos.
- Tipo IV: usos comúns de vivendas, corredores, cocinas, recibidores, salas de espera, laboratorios.
- Tipo V: comercios, restaurantes, polideportivos, piscinas cubertas, estacións de viaxeiros.

ANEXO II

Valores de recepción:

Entenderase por valor de recepción os niveis de avaliación máximos recomendados no ambiente exterior ou interior e fíxanse en función do período horario e da zona de sensibilidade acústica. Estes valores serán medidos na forma e nas condicións sinaladas no Regulamento de protección contra a contaminación acústica, aprobado polo Decreto 150/1999, do 7 de maio.

- a) Valores de recepción do ruído no ambiente exterior.

Táboa 1

Zonas de Sensibilidade acústica	De 8 a 22 de horas LpAeq	De 22 a 8 horas LpAeq
A	60	50
B	65	55
C	70	60



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO
C.I.F.: P-2705100-B

D/outras esp.	75	65
---------------	----	----

Zona de servidume:

A zona de servidume sonora derivada da existencia ou previsión de focos emisores de ruído e/ou vibracións, coma poden se-las infraestructuraa viarias, as ferroviarias ou outros equipos públicos que o reclamen, será delimitada polo concello no planeamento urbanístico ou polos procedementos previstos na lexislación de réxime local.

A zona de servidume abranguerá o territorio do contorno do foco emisor e delimitarase nos puntos do territorio ou curva isófona (curva de igual percepción de sonido), onde se midan os valores guía de recepción no ambiente exterior que correspondan de acordo coas zonas de sensibilidade acústica.

En caso de que pola zona de sensibilidade acústica A transcorra unha autoestrada, a zona de servidume derivada desta comprenderá o territorio do contorno da autoestrada ata os puntos do espacio delimitado pola curva isófona 60 dB (A).

Excepcionalmente o concello poderá autorizar unha ampliación determinada de carácter temporal e xustificada, nos niveis máximos no ambiente exterior, en puntos determinados do termo municipal, atendendo a eventos singulares programados tales como celebracións, feiras, festas ou manifestacións, ó mesmo tempo que se darán as ordes precisas para reducir ó máximo as molestias ós cidadáns.

b) Valores de recepción do ruído no ambiente interior.

Táboa 2

Zonas de Sensibilidade acústica	De 8 a 22 de horas LpAeq	De 22 a 8 horas LpAeq
A	30	25
B	35	30
C/D	40	35

c) Valores de recepción ás vibracións no ambiente interior.

Táboa 3

Zonas de Sensibilidade acústica	De 8 a 22 de horas LpAeq	De 22 a 8 horas LpAeq
Sanitario	Diario	1
	Nocturno	1
Residencial	Diario	2
	Nocturno	1,4



EXCMO. CONCELLO DE RIBADEO

Tel. 982 128 650 - 982 128 662 - 982 130 958 - 982 120 701 • Fax: 982 130 975
e-mail: ribadeo@ribadeo.org • concello@ribadeo.org • Praza de España, 1 • 27700 RIBADEO
C.I.F.: P-2705100-B

Oficinas	Diario	4
	Nocturno	4
Almacén e comercial	Diario	8
	Nocturno	8

As curvas base son as da figura 5ª de vibracións de edificios 5ª de vibracións de edificios, da norma ISO-2631-2, transcrita na LLei 7/1997, do 11 de agosto.